

PEMBERITAHUAN PERTANYAAN DEWAN RAKYAT

PERTANYAAN : **LISAN**

DARIPADA : **DATUK ROZMAN BIN ISLI [LABUAN]**

TARIKH : **26 MAC 2015 (KHAMIS)**

SOALAN : **Datuk Rozman bin Isli minta MENTERI PERTANIAN DAN INDUSTRI ASAS TANI menyatakan adakah Kementerian mempunyai rancangan untuk menjadikan Pulau Labuan sebagai pusat pendaratan ikan.**

JAWAPAN:

Tuan Yang Dipertua,

Kementerian Pertanian dan Industri Asas Tani sememangnya berhasrat untuk menjadikan Kompleks LKIM WP Labuan di Kiam Sam, Labuan sebagai pusat pendaratan ikan, khususnya ikan tuna. Kompleks yang dibina dengan kos sebanyak RM10 juta di bawah peruntukan RMKe-9 memiliki kemudahan yang lengkap serta mampu digunakan untuk pendaratan ikan tuna berkapasiti 50,000 tan metrik. Pembinaan kompleks ini telah siap sepenuhnya pada bulan Oktober 2011 dan mula beroperasi pada bulan Januari 2013.

Pembinaan kompleks ini melibatkan tanah seluas 5 ekar daripada jumlah keseluruhan 28 ekar tanah milik LKIM. Terkini, LKIM di dalam perancangan bagi membangunkan baki tanah tersebut bagi tujuan lot-lot IKS seperti tangki ikan dalam sangkar, perusahaan baja dari rumpai laut dan lot-lot kedai.